



**Broj: 03-36-1495/22**

**Datum: 13.09.2023. godine**

Na osnovu člana 69. stav 3. Zakona o javnim nabavkama BiH ("Službeni glasnik BiH" broj: 39/14 i 59/22), i članova 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za javnu nabavku roba, usluga i radova, Općinski načelnik d o n o s i

## **O D L U K U**

### **o otkazivanju postupka javne nabavke**

#### **I**

Otkazuje se postupak javne nabavke radova: „Sanacija poslovnih prostorija u ul. P.O. Zvijezda broj 40 (I faza)“, zbog dokazivih razloga koji su izvan kontrole ugovornog organa (odbijanje ponuđača da potpišu ponuđene ugovore), a koji se nisu mogli predvidjeti u vrijeme pokretanja postupka javne nabavke, u skladu sa članom članom 69. stav 3. Zakona o javnim nabavkama BiH ("Službeni glasnik BiH" broj: 39/14 i 59/22).

#### **II**

Stupanjem na snagu ove Odluke stavlja se van snage Odluka o izboru najpovoljnijeg ponuđača broj: 03-36-1495/23 od 31.08.2023. godine.

#### **III**

Za izvršenje ove Odluke zadužuje se Služba za privredu, integrisani lokalni razvoj i društvene djelatnosti Općine Vogošća.

#### **IV**

Odluka o otkazivanju postupka javne nabavke objavit će se na web stranici [www.vogosca.ba](http://www.vogosca.ba), u skladu sa članom 70. stav (6) i članom 71. Zakona o javnim nabavkama Bosne i Hercegovine.

## **O b r a z l o ž e n j e**

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 03-36-1495/23 od 02.08.2023. godine.

Procijenjena vrijednost javne nabavke sa PDV-om je: 10.000,00 KM (slovima: desethiljada konvertibilnihmaraka).

Obavještenje o javnoj nabavci broj: 1353-1-3-166-3-150/23 od 03.08.2023. godine, poslano je na objavu na Portal javnih nabavki.

Komisija za javnu nabavku roba, usluga i radova je imenovana Odlukom Općinskog načelnika broj: 02-04-364/23 od 28.02.2023. godine.

Komisija za javne nabavke roba, usluga i radova je razmatrala dostavljenu Obavijest o odustajanju od potpisivanja Ugovora o izvođenju radova na sanaciji poslovnih prostorija u ul. P.O. Zvijezda broj 40 (I faza), najpovoljnijeg ponuđača Braća Karić d.o.o. Zenica, od 11.09.2023. godine (dostavljena putem e-maila), u kojoj se navodi da isti nisu u mogućnosti realizirati a zbog ranije preuzetih obaveza i nedostatka radne snage.

Dalje, Komisija za javne nabavke je poštivajući odredbe člana 72 stav (3) Zakona o javnim nabavkama BiH, izvršila uvid u Odluku o izboru najpovoljnijeg ponuđača i druge pripadajuće akte, te konstatovala da je postupak proveden na zakonit način i to kako slijedi.

Da je Zapisnik o otvaranju ponuda sačinjen dana 30.08.2023. godine, kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	Braća Karić d.o.o. Zenica	10.000,00 KM	/	10.000,00 KM

Da je Zapisnik sa otvaranja ponuda isti dan ponuđaču poslan elektronskom poštom.

Da je Komisija sačinila Zapisnik o pregledu i ocjeni ponude, broj: 03-36-1495/23 od 30.08.2023. godine u kojem je konstatovano da je jedina pristigla ponuda prihvatljiva i u skladu sa zahtijevanim u tenderskoj dokumentaciji.

Komisija za javnu nabavku roba, usluga i radova je na osnovu provedenog zakonitog postupka i predložila Općinskom načelniku da donese Odluku o izboru najpovoljnijeg ponuđača Braća Karić d.o.o. Zenica, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 10.000,00 KM (slovima: deset hiljada konvertibilnih maraka) bez uračunatog PDV-a, te da se ponuđaču Braća Karić d.o.o. Zenica dodijeli Ugovor, a što je Općinski načelnik i učinio donoseći Odluku o izboru najpovoljnijeg ponuđača broj: 03-36-1495/23 od 31.08.2023. godine.

Komisija za javnu nabavku imajući u vidu da je najuspješniji i jedini ponuđač u postupku predmetne javne nabavke, Braća Karić d.o.o. Zenica odustao od potpisivanja Ugovora, te da u postupku javne nabavke nije bilo drugih učesnika, Komisija za javnu nabavku roba, usluga i radova jednoglasno je predložila Općinskom načelniku da Odluku o izboru najpovoljnijeg ponuđača, broj: 03-36-1495/22 od 31.08.2023. godine, stavi van snage i donese Odluku o otkazivanju postupka javne nabavke sanacije poslovnih prostorija u ul. P.O. Zvijezda broj 40 (I faza), zbog dokazivih razloga koji su izvan kontrole ugovornog organa (odbijanje ponuđača da potpišu ponuđene ugovore), a koji se nisu mogli predvidjeti u vrijeme pokretanja postupka javne nabavke, u skladu sa članom članom 69. stav 3. Zakona o javnim nabavkama BiH ("Službeni glasnik BiH" broj: 39/14 i 59/22).

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o otkazivanju postupka javne nabavke donešena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (3) Zakona o javnim nabavkama, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

Izradila: Jasna Salihović



Kontrolisala: Melisa Kršo





#### **DOSTAVITI:**

- Braća Karić d.o.o. Zenica
- Nadležnoj Službi
- a/a